

平湖縣志卷二

署知縣張力行纂修

輿地志 二

建置

平湖禹貢揚州之域舊爲海鹽縣地春秋屬吳後屬越戰國屬楚皆爲武原鄉吳越春秋云吳增封越地北至平原徐天佑注平原卽武原越絕書吳越地記俱有武原鄉禾郡志云秦置武原縣屬會稽郡漢高帝二年立兄賈爲荆王國

平湖縣志

卷二 輿地 建置

一

吳改武原爲海鹽新莽元年改爲展武陷爲柘湖移治武原鄉仍名武原東漢建武三年復名海鹽海鹽圖經云海鹽秦縣漢因之陷湖移治卽在秦時至漢順帝永建二年海鹽縣復陷爲當湖移治顧邑山晉咸康七年始遷馬嘯城當湖顧邑今湖地也大率湖地舊爲鹽治括異志云唐吳郡陸府君墓銘葬於蘇州海鹽縣齊景鄉當湖則當湖之名已見於唐其專隸秀州則自吳越王錢元璪始隸嘉興則自宋寧宗始後

復設當湖酒庫元皇慶二年仍設當湖務李東陽跋湖州閔少保七世祖聚芳卷云元至正間學正陳遇所葺詩若干首皆東南人士內有平湖錢永春由是觀之則平湖之名已見於至正間明洪武初改爲當湖稅課局三年除授局副給稅課局記正德二年始歸其記於知縣而當湖不復名局局亦不復設矣秦以前平原武原皆以鄉著唐以後當湖平湖又以鎮稱其分爲縣則自明宣德時也按宣德四年巡撫胡概請

平湖縣志

卷二

輿地

建置

二

析縣五年三月始析海鹽東北境當湖鎮爲平湖

國朝因之縣舊志云其名平湖者以縣治卽武原陷爲湖處土脈墳起坎窞底平故也又據潘之恒當湖記云當湖縣東陸地有番僧相曰是當爲湖後果陷立縣曰平湖言湖平不揚波也

星野

考天文家言自南斗十二度至須女七度爲星紀吳越之分也牛一度入於會稽會稽北至太

湖入於平原平湖應在牛一度中

疆域

平湖東西廣三十九里南北袤六十八里東界海三十六里南界海二十七里南至海鹽縣境四十里西至嘉興縣境三里西北至嘉善縣境十五里東北至江南華亭縣境二十九里西至郡城五十四里西南至浙江布政使司二百四十九里西北至京水路四千一百五十四里陸路三千六百三十八里爲鄉四爲都十有四

平湖縣志

卷二

輿地

疆域

三

爲里百十有六

原額一百十四里康熙二十一年造冊因丈陞田增置二里

經野之制鄉領都都有區扇都領圖圖分各圩圩有號其經界固井井也

國朝雍正六年巡撫都御史李衛以均編流弊累民已甚行順庄催科法以救之盡去都圖里甲之名統歸各庄輸將便矣而經界或淆是必田不出圖賦隨人轉斯經界與輸將稱兩利焉一切鄉都各庄名色備列於左

大易鄉

舊爲新進陶涇擊壤蕭墓四里析縣

時割鹽邑十七都十六里以十四歸平湖今定
爲十七都東區八里西區六里共十四里十二
圩田圍七十

武原鄉 舊爲永福絃歌隣鶴馬廐四里析縣
時割鹽邑十八都二十里以十四歸平湖又割
十九都全歸平湖今定爲東十九都東區六里
西區五里共十一里六圩西十九都共十里九
圩其十八都西區并入十七都田圍二十高阜
一十三低窪七東區并入二十一都內東十九

平湖縣志

卷二

輿地

疆域

四

都田圍二十八高阜四低窪二十四西十九都
低窪田圍八十三

齊景鄉

舊爲當湖惠安埭降

今名
絲義

下停羊市

五里析縣時割鹽邑二十都三十四里以三十
三歸平湖又割二十一都二十三里二十二都
二十四里全歸平湖今定爲二十都東區八里
西區十一里共十九里十三圩二十一都共二
十二里十一圩齊二十二都共九里九圩華二
十二都共八里六圩內二十都田圍七十七二

十一都田圍一百二十二高阜八十二低窪四
十齊二十二都田圍五十六華二十二都田圍
五十一高阜二低窪四十九

華亭鄉 舊爲招賢新安魚所谿里烏社五里

析縣時割鹽邑二十三都十九里二十四都二
十一里二十五都十三里全歸平湖今定爲二
十三都共六里六圩二十四都共七里六圩又
零二十四都二里三圩二十五都共七里五圩
內二十三都田圍四十九高阜四十低窪九二
十四都田圍四十八高阜二十一低窪二十七
零二十四都低窪田圍七二十五都低窪田圍
五十一

順庄案內編定各庄名目

東鄉二十九庄

城隍庄 儒林庄 華村庄 號圩庄 周圩

庄 官田庄 胡店庄 褚涇庄 大堰庄

黃姑庄 斜勒庄 新港庄 錢公庄 大小

營庄 白沙庄 獨山何觀庄 梁庄庄 長

山庄 牛橋庄 舊衙庄 放港庄 新廟庄
新倉庄 半路庄 廣陳庄 時村庄 前
眉庄 大邨庄 調圩庄
南鄉十九庄

內外南門庄 喜雨庄 仲街庄 永寧庄
四顧庄 亭子庄 瓦山庄 大橋庄 楊墅
庄 虹霓庄 乍東門庄 乍南門庄 乍西
門庄 乍北門庄 李墩庄 聖塘庄 徐帶
庄 司庄庄 銀杏庄

平湖縣志

卷二

輿地

疆域

六

西鄉八庄

縣前庄 黃街庄 內外西門庄 青蓮庄

朱江庄 將軍庄 騎塘庄 趙涇庄

北鄉十六庄

內外西司庄 馬沈圩庄 闕圩庄 扶行庄

白沃庄 椿樹庄 祇園庄 張堯庄 福

臻庄 戈溪庄 大乘庄 大茅庄 舊帶庄

新東庄 新西庄 泖口庄

嵌嘉庄 嵌海庄 二庄清糧後補

山川

雅山 在縣東南二十七里高五十丈周六里俗呼惹山又爲瓦山地中得塼記知是雅山石黑產鐵冶者以不當爐鞴費幸免傷鑿童無草木而遠望蒼翠意金氣故然有十景曰天馬峯梁石峽遊仙洞頭陀石一脈泉南極峯望仙嶺萬歲巖龜石端石

湯山 在縣東南二十八里高七十丈周五里俗名龜山上有瑞祥寺明嘉靖三十二年叅將

平湖縣志

卷二

輿地

山川

七

湯克寬率師禦倭駐師其下問山名喜曰此我家山也我得地矣列營殺賊遂大勝九山志云山有無欲泉在聽松室左吳僧無欲所開乾隆三十二年於山巔建奎星閣

苦竹山 在湯山南高丈餘廣數畝海鹽圖經云高七十丈周五里誤前明防汛船泊其下每歲備兵使者登此閱武建天后宮宮後有海口闡元時番船由此乘潮經聖塘關至廣陳鎮又有竹林庵天風海濤軒籌海堂觀濤閣諸勝李

天植記事云順治丁亥六月望颶風大作潮沒殿堦及風止潮退凡古窑瓶盎及金銀銅器遊人俱有拾得者五銖錢不可勝數余僕得一錢文曰大泉五十凡四字蓋新莽時物也不數日隨沒考鹽官志山外有顧邑縣沒海中此豈其遺址耶山後有竹道人墓

觀山 在湯山東高四十丈周四里一作官山有兩頂故名內觀山外觀山

本朝順治間禁船出海已而聽漁民結筏採捕康熙二十三年臺灣既入版圖大弛海禁漁舟商舶悉由山之西麓入閘口而收泊焉岸石觸舟頗危險旋於山頂建普照菴設竿永夜懸燈以照行舟之入俗稱燈光廟并其山曰燈光山滿洲水師海操在此山下

西常山 在觀山東又名鄂陽山屠康僖墓在此八月中有海禽集墓上名秋鳥

陳山 在西常山東高八十一丈周二十五里一名龍湫山上有龍母塚一統志云山半有靈

湫不涸不溢括異志云山頂龍穴深不數尺而
春夏不涸遇旱禱必有異物見取其水祀之雨
卽滂沱每歲七月多風雨人謂龍洗墓山有八
景曰平林煙徑天際雲帆南海秋濤西峰曉月
翠微石掌赤峽龍湫孤城暮靄萬壑松聲李天
植築積翠軒居此九山志云山深廣頂平高於
諸山他山泉脈甚少此山獨多有顯濟廟聖妃
宮興福院大士殿瑞泉亭涵空臺一覽閣鳳眼
泉飛星石諸勝

平湖縣志

卷二

輿地

山川

九

東常山 在陳山東又名一字山

黃山 在陳山東北山下有黃山廟

暈頂山 在陳山東北高二十丈頂甚平

高公山 在暈頂山東高八十丈周八里一作

高宮山南有海會庵

馬鞍山 在高公山東龍尾山南有兩頂似馬

鞍或云馬窰山

龍尾山 在高公山東北首不甚高而尾頗長
以形似得名

尖山 在高公山東

大山 在尖山東與益山相連

益山 在大山東北高二十丈周四里秀出羣隴

獨山 在縣東三十里亦曰獨有山山有白沙泉孤峯獨立故名舊置鹽場於此

按海上諸山自西而東至華亭而盡省志載十一山府志載八山縣法志載十四山程志載十九山唯柳志以雅故二山歸乍鎮以湯山至獨

平湖縣志

卷二

輿地

山川

十

山列沿海其數正九又李天植九山志以雅山湯山苦竹山觀山陳山暈頂山高公山益山獨山爲九山云

顧邑山 在縣東南瀕海程志載山高八十丈周二十里今淪於海無可考一名故邑山李天植九山志云應是遷邑後名此處諸山爲故邑蓋諸山相連周二十里非指一山爲故邑也山下有舊海鹽城居民掘地多得古器物宋書高祖追海賊孫恩築城故縣大破之考府趙志及

縣程志顧榮之先句踐支庶封於此子孫遂以爲姓顧邑之名或有取焉

車山 在縣東南海上形似車 無考

土山 在縣南二十四里

祐山 在縣東南二十里俗稱戴墓墩

案山 在縣東一里土阜如几案故名舊曾立塔於上今廢

菜薺山 在陳山東南海中九山志云菜薺兩山如門中名菜薺港海舟出入於此最險乍浦

平湖縣志

卷二

輿地

山川

土

三關此其一也俗呼其大者爲大莽山

蒲山 在高公山東南海中九山志云有外蒲

山裏蒲山乾隆十四年外蒲山建中普陀禪院近山有暗礁往往碎舟設雙燈以照夜行焉

黃盤山 在海中與獨山對舊志云沿海有三十六沙岸九塗十八灘此山去紹興三十六里風清月白市聲相聞秦始皇欲作橋渡海尙存一柱淳祐十年有旁灘得古井驗井磚上字知是東晉間屯兵處山巔有石砦今廢相傳昔人

藏兵符於其下有發之者輒錚錚作聲

鬪牛山 亦在海中洋水甚深水族所聚時見
蜃氣

舊志於黃盤鬪牛二山外更通考海洋大勢据
海寧衛海洋圖增列馬蹟羊許諸山以爲海鹽
海口巡司至吾邑白沙灣巡司自西徂東塘止
六十里而外洋所對幾五百里三關之兵東會
於吳淞叅將西會於南洋遊擊會哨有籌下針
有經是何可不紀然按諸山洋汎係前明規制

平湖縣志

卷二

輿地

山川

十一

蓋統海寧全衛而言或可附入武備不得竟列
山川今槩從刪置

海 在縣東南三十里舊志海潮東北自金山
來西南至浙江爲上潭自浙江回歷海寧黃灣
至澉浦海鹽爲下潭皆可泊舟嘉禾志考證云
與明越二州相對天日晴朗則東岸之山歷歷
可指諸家論潮者皆無定說唯潮候確然不易
日朔望子午再至餘日遞退半月復月三日十
八日潮至最大餘日遞縮亦半月復此不易者

也若夫天雲忽垂一海盡黑若有漚泡在釜沸
泣土人以爲海啞言海發洪囂如萬喙齊喧也
啞發多在晚夜時恒有海鷗千百羣鳴助其愀
惕若崩濤從空半瀉來元監州至欲登屋脊避
無怪爾土諺云南啞風多北啞雨多每有驗其
暴溢謂之海嘯春夏之交將大雨海氣氤氲幻
爲樓臺人物車馬狀曰海市俗曰海現夜有火
光飛出數丈分爲碎火忽復爲一木賦所謂陰
火潛燃者是也海上無山處設石堤捍潮製作

平湖縣志

卷二

輿地

山川

十三

宏整按法志嘉興一府唯海鹽平湖二縣之境
東臨大海延袤百七十里尤以乍浦爲要乍浦
東十里至梁莊寨先年倭寇屢登爲巢又東四
十里抵金山衛華亭界西南三十六里至海鹽
界元時番船湊集於此明洪武中城守其地蓋
倭寇自黑水大洋不五六月抵江浙之地西過
馬蹟灘滸羊山歷崇明七丫白茅劉家河吳淞
黃浦白沙灣諸港可犯蘇松過大小衢山徐公
石塔山馬鞍山在海中則登梁莊乍浦西嘴頭直

犯嘉湖入鯨子門赭山錢塘江則薄省城大抵沿海以乍浦爲首蒲圭爲尾實西浙之咽喉東吳之門戶也

當湖 在縣治東三百步亦名東湖舊志周四十餘里括異志云南北十二里東西六里東南通故邑西南近海鹽東則廣陳北則華亭舟楫便利地迥村遠自漢及今湖日狹土日廣與所志懸絕矣吳地記云武原縣陷爲當湖隆安五年改名東武湖或曰鸚鵡後漢志云大旱湖竭

平湖縣志

卷二

輿地

山川

古

城郭處猶可識初陷時有婦人產蛟遂陷爲湖白沃使君乘馬走以馬策指湖留東南一角不沒又聞漁人於湖中獲一鐵鏈長不可計及舟滿幾覆懼而棄之或曰卽繫蛟者有十景曰鵝湖春色案山曉翠三寺雨鐘六橋晴市東田社鼓西浦漁舂南村書屋北原牧笛霍氏行祠魯公古墓湖有九港中建弄珠樓俗謂九龍戲珠故又謂九龍湖水自西來者四一自湯家浜來一自東水門來一自水洞口來

皆貫城出

一自北城

脚來自南來者三一自南城脚來一自新橋來
一自廣行橋來西來之水嘉興漢塘水也南來
之水海鹽塘水也衆水皆滙於湖從東北而去
一由普濟塘達錢公亭金山縣一由倪莊港小
港達大小圩一由廣陳塘達廣陳鎮新倉衙前
其自廣陳東北行者達山塘松江一由魚騎塘
達新帶洙涇亦至松江衆水皆入於黃浦故浦
中潮來直過縣治諺云潮到東湖出狀元今已
過嘉興矣其曰九龍港據港脈大者言之也惟

平湖縣志

卷二

輿地

山川

五

乍浦塘水先分入於普濟塘不入東湖宋史河
渠志云當湖自月湖南浦入海方輿紀要云東
江自太湖分流從吳江縣東南入浙江嘉興府
境至海鹽縣東北三十五里乍浦入海元末明
初因防倭患築斷此入海之口由松江府春申
浦入海而舊志不載

漢塘河 在縣治西城外唐書地理志云海鹽
西北六十里有漢塘太和七年開今按其水自
天目分流至郡城自郡城而北附太湖入海其

東則經鴛泚諸湖過雙溪橋五十里爲平湖橫塘橫塘卽漢塘也其名漢塘者相傳漢新豐人遷於汴汴又遷於此故塘名漢塘鎮名新豐舊志畧之不載漢塘東注至本縣界支分爲七北流三支一入界涇橋一入徐婆橋滙於鍾帶一入孟家橋繞城而北又分爲二一北流過邱墳塘抵嘉善一經北門入東湖中又分一支北出松風港抵颯涇今塞南流三支一入黃墳港一入王家橋港一繞城而南合海鹽陶涇之水入於東湖東流一支入西水門爲市河又分三支一出大東水門一出小東水門一出北水門皆入於東湖

平湖縣志

卷二

輿地

山川

六

市河 由西水門經縣治儒學前出東水門又一支北流過糖餅橋出北水門一由玉帶河出水洞

西太平橋港 北流通施家墳今塞

東太平橋港 北流由倉橋出北水門

楊家橋浜 北流出萬安橋入市河

寺浜 北流合玉帶河

莊橋浜 出望雲橋入市河

淇塘浜 出望雲橋入市河

沈家浜 出劉家橋北流入市河

日暉漾 在南水門內 邑紳沈氏開

南河頭 遶鳴珂里

觀音堂浜 西南流合南河頭

荷花池 鳴珂里南馬氏世居

壇衙浜 西北流入南河頭

平湖縣志

卷二

輿地

山川

七

油車浜 合湯家浜今塞

湯家浜 出小東水門

乾河 由清水港通市河

南司浜 東北流合湯家浜

濠池 便民倉北

居家浜 西北流出北水門

過家浜 東北流出北水門

趙家浜 東北流出北水門 以上皆城內

飲馬池 在演武場側今為民居

宰牲池 在演武場側今爲民居

泖 在縣東北四十里其源出於谷水按祥符圖經谷泖南出泖橋東南至廣陳又西至當湖又東南至捍海塘而止此谷泖故道也谷泖之分爲長泖東泖當湖東北有泖港蜿蜒至橫泖爲泖上流此本邑泖也出東泖爲泖橋三泖則華亭界矣陸機對晉武云三泖冬溫夏涼谷水在其北嘉禾志云當湖北有華亭湖東北接松江一水異名卽泖湖也

鹽運河 在海塘內宋置權場於廣陳明改置蘆漑故有鹽運河十二里土積水淤農商俱病嘉靖己酉巡鹽御史董某命通判陳守義知縣李僑修復東自蘆漑西屆廣陳廣三丈有奇深六尺有奇東西所訖加闢爲灣周可五十丈立石俞塘橋左邑人陸杰爲文記其事

新開河 在鹽運河東自新倉閘橋起至舊衙十二里嘉靖間知縣顧廷對濬河通地蕩以便灌溉又名顧公河

國朝康熙六十一年知縣林緒光重濬

金山渠 縣東二十里有黃姑塘又東五十四里經錢公亭至金山衛係鹽盜出入之所不通舟楫順治初姦商擅開此渠居民患之青烏家言吾湖水脈由此大傷考舊志明萬歷間劉士瑗爲令時適有議通金山渠者劉以去就爭乃寢

秦河 在縣東三十里地舊高阜新耕蕩難爲灌溉康熙十七年里民秦九一首倡捐資糾工

平湖縣志

卷二

輿地

山川

九

開鑿蘆漑場大使周成勲董其役自新倉鎮北至新廟橋荒蕩皆得栽禾近復稍淤康熙二十二年春分守道王某檄行各屬疏通河道九一復請白沙司巡檢姜一科及乍浦司巡檢黃院督加開濬九一更爲捐助加濶五尺深數尺里人名曰秦河

柘湖 在華亭鄉卽海鹽舊治淪陷者也與嘉善接境凡張堰亭林黃茅白葦之墟皆是吳地記云周圍五千一百十九頃中有小山多生柘

樹因名柘一作橐按金山縣志云在廣陳左右
介當湖今湮爲平陸

橫浦 在故邑旁通海故道也今故邑已淪於
海其浦亦湮

乍浦 治東南三十里亦曰乍川其水舊自官
河出達於海元至正間番船皆集於此歲久浦
湮今周家堰卽浦故跡諸山之水一自屠家橋
陸家橋遶城河從長豐橋出一自衆安橋過牛
橋王千戶橋至城東濠自北而西從長豐橋出

平湖縣志

卷二

輿地

山川

三

俱至平湖一自衆安橋東至八字橋過東從新
開河至金山一自衆安橋出稍西卽轉九曲浜
而北從染店橋出一自雅山塘過西從十字港
出俱至平湖

石亭浦 梁莊東通華亭縣界十五里入海

蘆瀝浦 縣東三十六里嘉禾志云宋元祐八
年本路提刑羅適開地中得古尼寺碑移置松
江白牛寺後於此地立鹽場又熙寧六年土人
傅肱欲導海鹽之蘆瀝浦以分吳淞入海正此

處又邾直云自松江下口南連秀州界約一百餘里有大浦二十條今記其七日三林浦杜浦周浦大白浦卹瀝浦戚崇浦羅公浦卹瀝浦者卽蘆瀝浦也昔稱大浦今渺乎微矣

白沙灣 濱海見鄉鎮

蔡岐港 濱海

唐家灣 濱海

錢家灣 濱海

青龍港 趙涇港 法家渡 海鹽塘以上十都

平湖縣志

卷二 輿地 山川 三

界河 三义河 黃姑塘 新港 潮港 放

港 點港 米港 橫港 蕭家浜以上東十九都

廣陳塘 柳港 吳祺塘 莊溪 宋家浜

呂巷港 張家浜 衛家浜 徐家浜 菱涇

倪莊港 小羊浜 崔涇港 鑿頭浜 沿

盤滙 邱墳塘以上西十九都

乍浦塘 三涇港 馬王涇 梁莊港 魚衝

滙 轉塘 張涇堰 雙港渡 石河潭 搶

水池 羊市涇 車漚涇 西涇港以上二都

杭家漾 蘇家漾 烏紗港 漕兌港 孟景

河 通靈港 橫河 斜涇 運港 石獅子

港 三里墩 胡陳塘 南涇塘 楊樹港以上

二十
一都

獨山塘 清溪沈氏世居 柳莊塘 直行塘 點

港 運港 窰潭以上齊二
十二都

六里塘 過家溪過氏世居 張家灘 大陸滙

丁家塘 金剛滙以上華二
十二都

柳浦塘 戈家溪戈氏世居 石牌涇 真武涇

平湖縣志

卷二

輿地

山川

三

俞家帶 沙盆涇 烏沙涇 石人滙 灣梁

涇 蘆涇以上二
十三都

靈溪陸氏世居 朱重港 鶴嘴涇相傳機雲
飼鶴處 楊

樹澗 柳口以上二
十四都

一里涇 古額陶涇 監柳 走馬塘 官莊

塘 化基漾 緯步塘 魚騎塘以上二
十五都

海塘

海塘 舊名太平塘又名捍海塘在縣東南三

十四里獨山東至金山衛華亭縣界周家涇西

至海鹽縣界長二千二十丈平湖未分明永樂三年左通政趙居任等官按治募蘓州等九府人夫增築海鹽石塘而周家涇獨山一帶仍爲土塘宣德五年始分平湖爲縣成化五年縣令李翥比例海鹽石塘牢固奏聞命下三司督同府同知楊冠通判張永等相視經度計條石椿木等料價銀二萬五千九十三兩募工甃砌七年七月初三日颶風大作海潮泛溢自雅山東至楊樹林衝圮五百一十丈縣令郝文傑計量修築九月初一日風濤復作內塘已修者自周家涇東至獨山復圮視前尤甚主簿陳善奉府檄重修八百一十九丈其未完者宏治二年計費募工買石甃砌萬歷三年海溢塘壞自海鹽教場迤北至乍浦一帶皆開河取土築塘以錢糧不給中止自此歲徵塘夫銀六百二十五兩有奇以備工作知縣黃燄議塘石外平內歛潮衝易壞合將歛石橫攔平石縱砌計可久遠然因仍補葺其議卒未行

國朝康熙五十九年總督覺羅滿保題 准海鹽
平湖二縣石土塘專交嘉興府同知管理銜內
添入海防字樣小有損壞卽時修砌其屬轄之
巡檢場員聽其調委分任雍正九年總督李衛
題修獨山東西石塘九十丈一尺加高幫濶培
厚土塘共一千二百九十一丈八尺乍浦城西
加高土塘一千一百四十丈茅竹寨黃姑坊冲
坍土塘三百五十餘丈一并修築十一年三月
修乍浦服字號石塘一十五丈零又自益山脚
起至獨山司城加培土塘七百八十餘丈六月
二十等日風潮冲損獨山文乃位讓各號土塘
三百餘丈估計加培乾隆二年復修獨山石塘
二十七年秋風潮坍卸獨山石塘二十餘丈十
二月搶修工竣二十八年巡撫熊學鵬題請獨
山石塘內有黃字號起至月字號止計長七十
丈塘根被水汕嚙樁木朽爛根石外游塘面內
埕應及時拆築總計乍浦之塘一自金山縣界
至獨山石塘長五百二十二丈二尺極衝一自

天后宮至海鹽縣界石塘長一千四百八十七丈六尺次衝一自金山縣界至獨山附石土塘長五百五十二丈二尺一自天后宮至乍關鎖鑰附石土塘長三百九十九丈四尺一自乍關鎖鑰至海鹽縣界附石土塘長一千九十七丈三尺一自獨山司城至益山土備塘長七百八十九丈一自湯山至楊衙墳土備塘長一十九丈一自乍關鎖鑰至海鹽縣界土備塘長一千五十九丈

平湖縣志

卷二

輿地

海塘

五

按築塘之工首在採石乍山卑小視太湖諸山直培塿耳姦徒利其近且易也相率而謀採之寧惟墳墓戕毀地脈有傷且壞其捍海之保障

非細故也歷奉

憲禁附詳於後

雍正八年江南塘工移咨

開採湯山九年知縣方以恭具詳當日海寧塘工採石在湯山之北小湯山今江南又來採石小湯山無石可採遂採湯山必致石去土鬆山平潮潰內地將受大害又查湯山土石相兼並非徧山石體有土處居民祖墳纍纍前因石匠將四圍石採去塚土無憑棺骸暴露經杭嘉湖道親勘以風水攸關嚴行禁止今江省行文開採海疆民情均有妨碍奉總督李衛移咨停止勒石永禁乾隆二年海寧塘工復移咨開採觀陳等山監生王昌言等具呈乍城東南當菜薺

平湖縣志

卷二

輿地

海塘池

三

門黃盤大洋有九峯沿海並峙潮水衝齧直薄山麓自湯山至益山不另築塘即以山為塘誠天生保障衛此一方者也雍正八年姦匠採鑿小湯山蒙宮保李督院勘驗禁止今復行文開採諸山乍山產石無多一採立盡海潮衝入何以捍禦將來之平邑即今日之海寧况小觀山後周家堰地勢卑削逼近城壕雍正二年七月海嘯衝决周家堰涵水內灌田禾受害曾經前撫憲具題有山為捍尚被潮患倘鑿去諸山則是導潮直達愈速其禍鑿乍浦諸山以修海寧之塘無殊毀乍浦之塘以成海寧之塘倘不豫施曲突徙薪之計恐焦頭爛額無補於事奉總理塘務大學士嵇曾筠批照舊封禁毋許藉詞開採致干拏究十八年江南塘工復移咨開採湯山知縣翟天翔詳稱山與海相為表裏將來石去山平海潮洶涌恐有後患海防兵備道陳樹著勘詳湯山在乍浦開河之東係土襍磊石切近城東南如左臂塘工自乍關鎖鑰至此而

城池

止以山脚綿亘聯絡不復建塘是以山為塘也屢經封禁在案查是山產石無多不濟工用且係要害處所未便開採鑿傷奉巡撫覺羅雅爾哈善批已將應禁情由逐一指示江省委員令其赴別處採購仍將親勘情形會同藩司詳明備案以杜將來覬覦至誘引包採之匠頭責懲示儆至今永禁開採

縣城 海鹽齊景鄉地明宣德五年析平湖縣

無城郭嘉靖三十二年島倭入寇署縣事推官

殷廷蘭奉檄築城三十三年知縣劉存義度形

勢定疆理規制稍具三十五年知縣陳一謙設

東北二甕城四十一年知縣顧廷對增女墻崇雉堞並高五尺置窩舖百有十二城寬九里高二丈五尺廣二丈周一千六十九丈有奇陸門五東啟元西毓秀南豫泰北豐亨西南曰小南門水門六西南北各一東據當湖巨浸爲二東之北爲水洞口萬歷間塞濠濶五丈有奇南北有弔橋

國朝康熙六十一年知縣林緒光開水洞曰桃李門後更名永新雍正五年知縣楊克慧以備公

平湖縣志

卷二

輿地

城池

三

銀九百餘兩修城垣乾隆十年知縣高國楹濬城河紳士醵錢六千餘緡郭外四鄉咸疏達浚河之土填護城根倉基低窪道路散及田塍圩岸水陸便之二十八年知縣劉國烜以備公銀二千四百三十兩零復修城垣

乍浦城 明洪武十九年信國公湯和累土列亭障永樂十二年都指揮使谷祥始用石甃正統八年久雨頽塌左叅政俞士悅勘議令杭嘉湖三府葺治景泰二年都指揮使王謙設城樓

四闌楯干櫓俱備嘉靖三十三年知縣劉存義增築并增敵樓十久廢城寬九里十三步高二丈廣一丈五尺城堞一千七百有一窩舖二十七陸門四東迎暉西惹秀南朝宗北拱極北水門一濠周一千六百三十丈深八尺濶十丈弔橋四崇禎十一年署縣李懷玉開設南水門

國朝乾隆十年知縣高國楹濬濠紳士釀工費銀二千餘金十三年水門內並築石閘二十五年知縣劉純煒以備公銀二千一百四十兩零修

平湖縣志

卷二

輿地

城池

三

城垣三十一年知縣周昭仔奉

旨復修支用備公銀二千六百三十八兩零四門並建城樓

津途

縣前坊 儒林坊 城隍坊 喜雨坊 南門坊 永寧坊 仲街坊 黃街坊 西門坊

西司坊

大街縣治前 港南街縣治南 倉街治西北 大南

門街治南 小南門街治南西 陰陽街 城隍街

俱治 混堂街 香街 居家街 方街 馬

東 家街 莫家街俱治 喜雨巷 魚鮮巷 潮

鮮巷 清水巷 桑園街俱治 觀音堂街

紀家街 官街 米棚街 王家街 仲家街

俱治 鳴珂里治

白馬堰 相思堰 孫堰 李家堰 馬駝堰

孫三堰 馬廐堰 十八里堰 龍口江家

堰以上俱武原鄉

東關堰 曹婆堰 王道堰 紀家堰 清水

平湖縣志 卷二 輿地 津途 三

墓堰 鹹堰 方家堰 陳家堰 瓦石堰

金賣線堰 周家堰 俞家潭堰 虹霓堰

楊李堰 土山堰 小山涇堰 東裴塢堰

西裴塢堰 鍾礬堰 河口堰 代峰堰 李

塢堰 羊棚匯堰 邱沈堰 楊瀆堰 墓峰

堰 徐家堰以上俱齊景鄉

祇園堰 俞種堰 夏角堰 大茅堰 俞家

堰 西黃泥堰 麥塢堰 楊蕩堰 翁莊堰

志公堰 大孫堰 東柵西柵堰 姚星堰

西關堰 鶴涇堰 新帶堰 方塘堰 沈

福庄堰 朱洞堰 羅漢堰 以上俱華亭鄉

聖堂關 在縣東南十里元時市舶從乍浦海

道入者此為津要今廢

烏橋關 在縣北七里今廢

龍門橋 在儒學左又名儒林橋

景福橋 在縣東一百五十步俗名孟家橋

漢水橋 在縣東五十步元至正間建

凝瑞橋 在縣前雍正九年建

平湖縣志 卷二 輿地 津途 三

三登橋 在縣西一百步宋魯登魯詹魯嘗後

先登進士故名

永豐橋 在縣西一百五十步舊名塘濱橋俗

名糖餅橋

慶源橋 在縣西二百步俗名方橋

永平橋 在梯雲橋北轉東俗名東太平橋

梯雲橋 在縣西一里

西太平橋 在佑聖宮西

迎恩橋 在西門內俗名三環洞橋

萬安橋 在迎恩橋南轉東司成沈懋孝有記
永寧橋 在日暉漾北康熙二十八年燹石重建

莊橋 在萬安橋南俗名西楊家橋

望雲橋 在縣西南一百四十二步 邑人陳日章建志思

親意

福源橋 在縣南一里又名香花橋

連元橋 在清水巷傍舊名利涉橋俗名小滑

橋 西有義井鎮火災年久湮沒康熙十九年太學生江日輝捐資重濬清復舊址乾隆十一

平湖縣志

卷二

輿地

津途

三

年重建
改今名

啟元橋 在連元橋南二百餘步向稱平橋乾

隆十一年改建名曰啟元

滑橋 在清水巷南

遊橋 在城隍衙北 相傳魯肅簡園內遊觀處

楊家橋 舊名牧愛橋在牧愛坊東明隆慶二

年建

登瀛橋 在蘇家衙北俗名韋馱橋

倉橋 在北門內便民倉南 以上城內

洪義橋 思過橋 北賀漚橋 馬廐橋 漢

異橋 有漢將軍馮異廟距橋里許為大樹村多馮姓 白苧橋 永寧

橋 永垂橋 吳功榮建 許洞橋 歸正橋 觀音

橋 江家橋 大地橋 王家橋 雙福橋

永安橋 喻家橋 大豐橋 戴山廟橋 小

羊橋 蕭老橋 石蟹橋 以上十七都

俞塘橋 高公橋 邑至廣陳半路俗呼半路橋乾隆十一年改建 半

路橋 廣陳至新倉此當其中 場前橋 廣濟橋 廣陳東普照寺

前俗名寺橋邑人陸序建 紀功橋 廣福橋 廣陳普照寺後知州陸子

平湖縣志 卷二 輿地 津途 三

厚建張寧有記 灘石橋 東廟橋 西廟橋 鎮龍

橋 新港外廟橋 青溪橋 錢公亭橋 張

沙廟橋 道觀橋 蕭家浜橋 趙家橋 三

义河橋 施家橋 大通橋 以上東十九都

扶行橋 六繆涇橋 邵家橋 普通橋 普

濟橋 二橋俱邑人姚松石建古虞顧充題名 莊橋 仙觀東 南莊

橋 北莊橋 以上西十九都

望湖橋 俗名東菴橋 慶源橋 俗名道觀橋 亭橋 俗名平橋

興隆橋 俗名竹行橋 聚奎橋 俗名湯朱橋 太平橋 望湖

菴一鳳凰橋齊王廟東俗方家橋 鸚鵡橋

後俗名童 陳肆橋俗名韋會濟橋會濟菴前

浦城 萬安橋乾隆八年建金安橋舊為長木橋乾隆二十年改石

甃 迎龍橋乾隆二十二年建以上跨乍浦濠

長豐橋乾隆三十二年重建三里橋 演聖橋 毛家

滙橋 虹霓堰橋 紀家橋 白灣橋 沈家

橋 牛橋 馬王涇橋 眾安橋 梁莊廟橋

長安橋 轉塘橋 亭子橋 張涇堰橋

大橋以上二十都

平湖縣志 卷二 輿地 津途 三

通靈橋顯忠廟後 啓元橋堦院前 百步橋 葛家

橋 新橋 圖澤橋 朱車橋 聖堂關橋

南賀漣橋 烏紗港橋 廣行橋 關橋 賀

家帶橋 盛墳橋 福星橋 界涇橋 躲債

橋 徐婆橋 說澤橋西門外俗名孟家橋 呂公橋知縣

呂猶龍建後圯雍正十二年知縣邵煜倡捐重建 潔芳橋 利涉橋

北門 通濟橋在報本堦東首 斜涇堰橋 大興橋

外 保慶橋在郁家圩 以上二十一都 以

大通橋 徐家埭寺橋 興賢橋 永興橋夕照

菴前沈

蔡建 清溪橋

沈渭沈涇沈溥建

魚衝滙橋

文

昌橋

文昌祠前沈炳創建

躡雲橋

沈琮沈肆登科得名以上齊二十二都

斜涇橋

普江橋

小河橋

金家橋

以上華二十二

都

墅橋

烏盆涇橋

黑竹橋

綠荷堦橋

以上二十

三都

永阜橋

東市橋

西市橋

青龍橋

太平

橋

青雲橋

壽帶橋

以上二十四都

市鎮

平湖縣志

卷二

輿地

津途市鎮三

乍浦

縣東南二十七里海上隸齊景鄉有八

景曰瑞祥曉鐘梁莊古冶唐灣魚市苦竹巖林

雅山仙洞孟姜搗石陳岫龍湫平沙演武

白沙灣

縣東南五十三里距乍浦二十里隸

武原鄉

錢公亭

縣東南五十里隸武原鄉

舊衙

縣東北五十五里隸武原鄉

廣陳鎮

縣東北二十七里隸武原鄉元時番

舶至此列肆故曰廣陳與舊衙金山水陸交會

今成廢址

新倉鎮 縣東北三十六里隸武原鄉舊蘆瀝

鹽課司在此

新帶 縣北三十六里隸華亭鄉有中市東市

西市

舊帶

新帶之西

陸氏世居

徐家帶 縣東南十二里隸齊景鄉

錢家帶 縣北七里隸武原鄉

蒹葭園 縣東十八里隸武原鄉有大小二圩

平湖縣志

卷二

輿地

市鎮

三

張氏世居

張家廊下

在蒹葭園北二十里

張氏世居

石莊 縣東北四十里隸華亭鄉元石都尉賜

莊

沈氏世居詳古蹟

靈溪 縣東北二十七里隸華亭鄉

陸氏世居亦名陸家

柵

清水墓 縣東十八里隸齊景鄉清溪之上

沈氏

世居

圖澤

縣南十里隸齊景鄉

馬氏世居

虹霓堰 縣東南十八里隸齊景鄉屠氏世居

鄉村

朱塘村 江塘村 絲綿堦 照山頭 胡桃

村 大樹村以上俱大易鄉

大營盤 小營盤 朱家墩 石煙墩 黃圩

鑿頭潭 樟樹頭 九溫地 胡家扇 九

里墩 椿樹頭 鄭巷村 魚谷村以上俱武原鄉

雙墳頭 湯家墳村 趙莊村 俞家墳村

魯家確坊 宋家堰堦 三家村今俞家舍 李墩

平湖縣志

卷二

輿地 市鎮鄉村 三

張婆灣 小港村 賀家帶 林家帶 趙

家墳 銀杏樹頭 胡李帶 求莊圩 河港

村 時家村以上俱齊景鄉

羊白地 王家灣 道太聖堂 白箬村 俞

家墳 都家堰 卵子滙 彭家村 大村以上

俱華亭鄉

